



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

CCXXXIII. Clemens VIII. Anno Christi 1592. Rodulphi II. 16.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

lientem cita mors extinxit IV. Kal.
Januar. altero Pontificatûs mensæ vix
exacto.

ANNOTATIONES.

(1) Thuanus lib. 102. §. 10. tom. 5. pag.
103. Innocentius IX. constitut. 1. §. 3. tom.
2. Bullarii pag. 727.

CCXXXIII.

CLEMENS VIII.

ANNO CHRISTI 1592.

RODULPHI II. 16.

CLEMENS VIII. dictus antè *Hip-
polytus Aldobrandinus*, Florentiæ
natus, III. Kal. Februar. anno 1592. Spond.
summam Ecclesiastici imperii habere ^{an. 1592.}
cepit. Continud in eam incubuit §. 1. 4.
curam, ut Henricum IV. Galliæ Re-
gno deturbaret. Itaque datis litteris
ad Legatum suum Philippum Sagam
Cardinalem Placentinum, præfatus
de meritis Regum Francorum, qui
Romanis Pontificibus præstò fuerunt
difficillimis etiam temporibus, man-
davit, ut eligendum curaret Regem,
qui pacis publicæ defensor, & Ca-
tholicæ Fidei cultor verus esset, &
Qqq quàm

- quàm primùm vires contunderet Hugonotorum. Triennio post eundem
- An. 1595. §. 9. 10. Henricum per Legatos professum Catholicam Fidem, ac suppliciter petentem recipi in Ecclesiæ sinum, ritu solemnè solvit anathemate, Regnóque restituit, & communioni Christianorum. (1) Ferrariam, totamque ejus ditionem, quæ, Alphonso II. Estensi Ferrariæ Duce ultimo sinè liberis mortuo, redierat ad Romanam Ecclesiam, recepit à Cæsare Estensi notho, qui Ducatum illum sibi ab eodem Alphonso testamento relictum usurpaverat. (2) Ut autem recens subjectos sibi populos recrearet præsentiam suam, iter eodem instituit, Eucharistiã de more præmissã, & septem ac viginti Cardinalibus comitantibus. Ubique exceptus cum omni honore VIII. Jovis Majas solemnè, & supra quàm dici potest, exquisitam pompã Ferrariam ingressus est, quò complures Principum Legati confluxere ad gratulandum. Inde discedens VI. Kal. Decembr. Romam XIII. Kal. Januar. pervenit. Idem alia egit, decrevitque bono publico. *Scripturam Sacram*

cram Sixti V. auctoritate typis editam iterum corrigi iussit, curavitque ut secundum Concilii Tridentini decretum *imprimeretur quam emendatissime.* (3) *Regularibus personis utriusque sexus omnem & quamcunque largitionem & missionem munerum penitus interdixit.* (4) *Explicuit, quinam sint Græcorum ritus liciti, & quinam illiciti.* (5) *Approbavit indicem librorum prohibitorum à Pio IV. promulgatum.* (6) *Cavit, ne liceret Italis morari extra Italiam, ubi Catholicis ritibus liberè ac publicè locus non esset.* (7) *Fubilæum undecimum anno 1600. celebravit.* (8) *Collegium Romæ erexit Scotorum commodo & institutioni.* (9) *Voluit ad Japonios, Sinas, aliásque Orientalium Indiarum gentes, Catholicæ Fidei propagandæ causâ, præter Sacerdotes Societatis Jesu, mitti etiam aliorum Ordinum præsertim Mendicantium professores doctrinâ insignes, & vitâ ac moribus probatos.* (10) *Statuit, nemini licere per litteras seu intermuntium Confessario absenti peccata sacramentaliter confiteri, & ab eodem absente absolutio- nem obtinere.* (11) *Modum adhibuit*

Constitutioni Gregorii IV. & Sacerdotibus ex familia *Capuccinarum* facultatem concessit administrandi Sacramentum pœnitentiæ. Reprobavit eorum sententiam, qui contendebant, non licere Christianis Sacrosanctum Missæ Sacrificium in aliis, quàm Parochialibus Ecclesiis audire, nec peccata aliis, quàm Parocho suo confiteri, decernens eis licere utrumque, dummodo Eucharistiam die Festo Paschæ *in propria Parochia à Parocho sumerent.* (12) Anno 1594. Ludovici Molinæ liber *De concordiâ liberi arbitrii cum donis divinæ gratiæ* graves in Hispania Dominicanos inter & Jesuitas excitavit contentiones, cum illi assererent Molinæ doctrinam damnandam tanquam hereticam, hi Catholicam esse acriter constantèrque defenderent. Ex Hispania ad Clementem delata controversia est, quam ut finiret, ferventissimarum *de auxiliis divinæ gratiæ* contentationum spectator ipse & auditor esse voluit unà cum Cardinalibus, & viris Theologiæ peritissimis ex Ordinibus Cœnobitarum. Verùm anno 1605. nono & sexagesimo ætatis, Inditâ

indictâ jam trigesimâ octavâ *De auxiliis* disputatione, morbo correptus V. Nonas Martii naturæ concessit post *annum tertium decimum, mensem primum ac diem tertium*, quàm Pontifex creatus erat. Viros doctos impensè coluit, & summis in Ecclesia dignitatibus exornavit, inter quos famâ pietatis & eruditionis eminent Baronius, & Bellarminus.

ANNOTATIONES.

(1) Ritus & conditiones absolutionis sunt apud Spondanum ad an. 1595. §. 9. & apud Thuanum lib. 113. §. 21. tom. 5. pag. 519. & 520.

(2) Constitut. 52. tom. 3. Bullarii pag. 67. Baronius epistolâ ad Clementem VIII. præmissâ Annalium tomo VIII. Accidit quasi miraculum à Deo, (*his libenter utar divine Scripturæ verbis, 1. Reg. XIV. 15.*) *ut Ferraria ferrea planè Civitas sine ferro fuerit expugnata, ipso totum id agente, qui dixit (Isaiæ XLV. 2.) Ego ante te ibo, gloriosos terræ humiliabo, portas æreas conteram, vestes ferreos confringam, ut planè idem, qui Petro (Act. XII. 10.) aperuit portam ferream, Ferrariæ portam Petri patefecerit successor.*

(3) Sess. 4. De Canonicis Scripturis.

Q993

(4)

(4) Constitut. 28. §. 1. tom. 3. Bullarum pag. 40.

(5) Constitut. 34. ibid. pag. 46.

(6) Constitut. 36. ibid. pag. 50.

(7) Constitut. 42. §. 1. ibid. pag. 56.

(8) Constitut. 58. tom. 3. Bullarum p. 71.

(9) Constitut. 73. ibid. pag. 101.

(10) Constitut. 74. §. 2. ibid. pag. 104.

(11) Constitut. 87. §. 1. ibid. pag. 114.

(12) Recitat hoc Clementis VIII. decretum Berninus in sua hæresum omnium historia tom. 4. pag. 575. ex Francisci Bonaspei *Parochiali* dub. 10. pag. 171. Vides annotat. 4. ad Innocentium III. ac vitam Alexandri IV. & Joannis XXII.

CCXXXIV.

LEO XI.

ANNO CHRISTI 1605.

RODULPHI II. 29.

ANtequam Cardinales Pontificem sufficerent in locum Clementis VIII jurejurando obligati convenire inter se, ut quicumque cooptaretur, is controversiam de *Auxilio* dirimeret. Cooptatus est Kal. April. anno 1605. *Alexander Medicus* septuagenarius, appellatusque *Leo XI* qui tamen *sexto & vicesimo* Pontificatus die, V. Kal. Majas morte

Spond.
an. 1605.
§. 1. 2.

op.